



BiH bez šansi za ukidanje viza?

Dnevni Avaz
May 3, 2009

Evropska komisija uskoro predstavlja izvještaj...

Evropska komisija predstaviti će 18. maja izvještaj o spremnosti zemalja Balkana za viznu liberalizaciju. Izvještaj će se zadržati na procjeni ostvarenog napretka, ali će iz njega biti jasno za koje zemlje je u ovom trenutku moguće ukidanje viza.

Očekuje se da u toj grupi budu Srbija, Makedonija i Crna Gora, dok će se za Albaniju i BiH zatražiti dodatni napor. Radna grupa za Balkan bi o izvještaju trebala raspravljati 25. maja pod uvjetom da ne bude ozbiljnijih primjedbi na njegov sadržaj, a Evropska komisija bi tokom juna mogla uputiti zvaničnu preporuku o stavljanju na bijelu šengensku listu, prenosi Srna.

- Važan trenutak mogao bi biti sastanak ministara vanjskih poslova 16. juna. Ako stvari budu išle u dobrom pravcu, oni već tada mogu postići dogovor o ukidanju viza. To ne bi bila formalna odluka, ali je vjerovatno da bi najesen potvrdili već postignuti dogovor - rekla je predstavnica Evropske inicijative za stabilnost Aleksandra Štiglmajer (Alexandra Stiglmayer).